

**গণপ্রজাতন্ত্রী বাংলাদেশ সরকার
তথ্য অধিদফতর
বাংলাদেশ সচিবালয়
ঢাকা।**

সংবাদ গতিধারা

ঢাকা, বুধবার ১৮ নভেম্বর ২০১৫, ৪ অগ্রহায়ণ ১৪২২

আজকের দৈনিক পত্রিকাগুলো নিম্নলিখিত বিষয়গুলোকে প্রাধান্য দিয়ে খবর ছেপেছে :

- ১। প্রধানমন্ত্রীর সঙ্গে ভারতের স্বরাষ্ট্র সচিব এবং নেপালের রাষ্ট্রদূতের সাক্ষাৎ
- ২। ডিসেম্বরে ট্যানারি স্থানান্তর না করলে বরাদ্দ প্লট বাতিল : শিল্পমন্ত্রী
- ৩। বিএনপি চেয়ারপার্সন খালেদা জিয়ার সংলাপের প্রস্তাব রাজনৈতিক প্রহসন : তথ্যমন্ত্রী
- ৪। আলী আহসান মোহাম্মদ মুজাহিদের রায় আজ
: শুনানি হবে সালাহউদ্দিন কাদের চৌধুরীর রিভিউয়ের
- ৫। বাংলাদেশের প্রচুর সম্ভাবনা রয়েছে : নেদারল্যান্ডসের রানি ম্যাক্সিমা
- আর্থিক অন্তর্ভুক্তি কার্যক্রমে সম্মোষ প্রকাশ
- ৬। হযরত শাহজালাল আন্তর্জাতিক বিমানবন্দরের নিরাপত্তা মানোন্নয়নে যুক্তরাষ্ট্রের
সহযোগিতার আশ্বাস
- ৭। বিশ্বে অন্যতম নিরাপদ দেশ বাংলাদেশ : গ্যালাপের জরিপ
- ৮। বাংলাদেশ-সৌদি আরব যৌথ কমিশনের বৈঠক আজ
- ৯। সন্তাস ও বিচ্ছিন্নতাবাদ ঠেকাতে বাংলাদেশ-ভারত ঐক্যত্ব
: স্বরাষ্ট্র সচিব পর্যায়ের বৈঠক সমাপ্ত
- ১০। ফরিদপুরের চম্পা হত্যায় চার জনের ফাঁসি : চট্টগ্রাম ও গাজীপুরে ৫ জনের মৃত্যুদণ্ড
- ১১। প্রশ্ন ফাঁস ঠেকাতে প্রাথমিক সমাপনীতে এবার ৮ সেট প্রশ্ন
- ১২। দেশে অসংক্রামক রোগে বছরে মারা যায় ৫ লক্ষাধিক মানুষ

চলমান পাতা/২

১। প্রধানমন্ত্রীর সঙ্গে ভারতের স্বরাষ্ট্র সচিব এবং নেপালের রাষ্ট্রদূতের সাক্ষাৎ

প্রধানমন্ত্রী শেখ হাসিনা এ অঞ্চলে আন্তঃসীমান্ত যোগাযোগ ত্বরান্বিতকরণে বাংলাদেশ ও ভারতের স্বরাষ্ট্র সচিবের মধ্যকার সফল বৈঠকে সভ্যত্ব প্রকাশ করেছেন। গতকাল ১৭ নভেম্বর মঙ্গলবার গণভবনে ভারতের সফররত স্বরাষ্ট্র সচিব রাজিব মেহরিশি প্রধানমন্ত্রীর সঙ্গে সাক্ষাৎকালে তিনি অন্যান্য ক্ষেত্রেও ভারত-বাংলাদেশ সহযোগিতা জোরদারের ওপর গুরুত্ব আরোপ করেন। সূত্র-ইত্তেফাক (শেষ পৃ.ক.৫), প্রথম আলো (পৃ.২.ক.২), ইভিপেনডেন্ট (শেষ পৃ.ক.২), ডেইলি সান (শেষ পৃ.ক.১)।

বাংলাদেশে নিযুক্ত নেপালের রাষ্ট্রদূত হরি কুমার শ্রেষ্ঠা গতকাল ১৭ নভেম্বর মঙ্গলবার গণভবনে প্রধানমন্ত্রী শেখ হাসিনার সঙ্গে সৌজন্য সাক্ষাৎ করেন। এ সময় নেপালে জ্বালানি, চাল এবং জীবন রক্ষাকারী ওষুধের সংকট মোকাবিলায় বাংলাদেশের সহযোগিতা চান রাষ্ট্রদূত। প্রধানমন্ত্রী রাষ্ট্রদূতকে বাংলাদেশের পক্ষ থেকে সভ্যত্ব সব ধরনের সহযোগিতা দেওয়ার আশ্বাস দেন। সূত্র-প্রথম আলো (পৃ.২.ক.৩), জনকর্ত্ত (শেষ পৃ.ক.৩), ডেইলি স্টার (পৃ.২.ক.২), নিউজ টুডে (পৃ.১.ক.৪)।

২। ডিসেম্বরে ট্যানারি স্থানান্তর না করলে বরাদ্দ প্লট বাতিল : শিল্পমন্ত্রী

আগস্ট ৩১ ডিসেম্বর ২০১৫ সালের মধ্যে হাজারিবাগ থেকে ট্যানারি সাভারের চামড়া শিল্পনগরীতে স্থানান্তর করতে না পারলে প্লটের বরাদ্দ বাতিল করা হবে বলে জানিয়েছেন শিল্পমন্ত্রী আমির হোসেন আয়। গতকাল ১৭ নভেম্বর মঙ্গলবার শিল্প মন্ত্রণালয়ে ট্যানারি শিল্প মালিকদের সঙ্গে এক যৌথসভা শেষে সাংবাদিকদের এ কথা জানান তিনি। শিল্পমন্ত্রী বলেন, ৩১ ডিসেম্বরের মধ্যে সিইটিপি (কেন্দ্রীয় বর্জ্য শোধনাগার) কাজ সমাপ্ত হবে। এ সময়ের মধ্যে ১০০ ট্যানারি সাভারে স্থানান্তরের টার্গেট রয়েছে। যারা ৩১ ডিসেম্বরের মধ্যে ট্যানারি সাভারের চামড়া শিল্পনগরীতে স্থানান্তর করতে পারবে না তাদের প্লটের বরাদ্দ বাতিল করা হবে। এরপর উচ্চ আদালতের নির্দেশনা মোতাবেক ওই ট্যানারিগুলোতে গ্যাস, বিদ্যুৎ, পানিসহ সব ধরনের ইউটিলিটি সার্ভিসও বন্ধ করে দেওয়া হবে। সূত্র-ইনকিলাব (শেষ পৃ.ক.৫), জনকর্ত্ত (শেষ পৃ.ক.৬), ডেইলি সান বিজনেস (পৃ.১.ক.৭), নিউজ টুডে (পৃ.১.ক.১)।

৩। বিএনপি চেয়ারপার্সন খালেদা জিয়ার সংলাপের প্রস্তাব রাজনৈতিক প্রহসন : তথ্যমন্ত্রী

তথ্যমন্ত্রী হাসানুল হক ইন্সুলেটে বলেছেন, বিএনপি চেয়ারপার্সন খালেদা জিয়ার সংলাপের প্রস্তাব রাজনৈতিক ঠাট্টা-তামাশা ছাড়া কিছু নয়। তাদের সঙ্গে কোনো সংলাপ হতে পারে না। মন্ত্রী বলেন, এ মুহূর্তে দেশের একমাত্র কাজ হচ্ছে জঙ্গি দমন করা এবং বাংলাদেশকে নিরাপদ রাখা। আর যারা জঙ্গিদের সঙ্গে থাকে, মদদ দেয় তাদের সঙ্গে কোনো সংলাপ বা আলোচনা হতে পারে না। গতকাল ১৭ নভেম্বর মঙ্গলবার কুষ্টিয়ার মিরপুরে জাতীয় সমাজতান্ত্রিক দল (জাসদ) আয়োজিত এক জনসভায় তথ্যমন্ত্রী এ কথা বলেন। সূত্র-সমকাল (পৃ.২.ক.৮), ইত্তেফাক (শেষ পৃ.ক.৮)।

৪। আলী আহসান মোহাম্মদ মুজাহিদের রায় আজ : শুনানি হবে সালাহউদ্দিন কাদের চৌধুরীর রিভিউয়ের

মানবতাবিরোধী অপরাধে দেওয়া ফাঁসির রায়ের বিরুদ্ধে জামায়াত নেতা আলী আহসান মোহাম্মদ মুজাহিদের রিভিউ পিটিশনের ওপর আজ ১৮ নভেম্বর বুধবার রায় দেবে আপিল বিভাগ। রিভিউর ওপর শুনানি গ্রহণ করে প্রধান বিচারতি সুরেন্দ্র কুমার সিনহার নেতৃত্বাধীন আপিল বিভাগের চার বিচারপতির বেঞ্চ গতকাল ১৭ নভেম্বর মঙ্গলবার এই দিন ধার্য করে দেন। এদিকে বিএনপির স্থায়ী কমিটির সদস্য সালাহউদ্দিন কাদের চৌধুরীর রিভিউ পিটিশনের ওপর আজ আপিল বিভাগে শুনানি অনুষ্ঠিত হবে। সূত্র-ইত্তেফাক (পৃ.১.ক.৭), যুগান্তর (পৃ.১.ক.২), ডেইলি স্টার (পৃ.১.ক.৬), ইভিপেনডেন্ট (পৃ.১.ক.৪)। প্রথম আলো, সংবাদ, জনকর্ত্ত, ভোরের কাগজ, নিউজ টুডে এ বিষয়ে লিড নিউজ ছেপেছে।

৫। বাংলাদেশের প্রচুর সম্ভাবনা রয়েছে : নেদারল্যান্ডসের রানি ম্যাক্সিমা

- আর্থিক অন্তর্ভুক্তি কার্যক্রমে সভ্যত্ব প্রকাশ

বাংলাদেশের প্রচুর সম্ভাবনা রয়েছে। এ ক্ষেত্রে ইতোমধ্যে অনেক উদ্যোগও নেওয়া হয়েছে। তবে প্রাতিষ্ঠানিক আর্থিক ব্যবস্থায় প্রত্যেককে যুক্ত করতে আরো অনেক কিছু করার রয়েছে। বাংলাদেশে প্রত্যেকের ডিজিটাল আর্থিক ব্যবস্থা গড়ে তোলা প্রয়োজন। বীমা, খন ও অধিক সঞ্চয় সুবিধার মাধ্যমে দরিদ্র জনগোষ্ঠীর উন্নত ও সহজতর জীবনযাত্রাও নিশ্চিত করতে হবে। গতকাল ১৭ নভেম্বর মঙ্গলবার বাংলাদেশ ব্যাংকে অনুষ্ঠিত আর্থিক অন্তর্ভুক্তি বিষয়ক সেমিনার ও গাজীপুরে আর্থিক অন্তর্ভুক্তি কার্যক্রম সরেজমিন পরিদর্শনের সময় এসব কথা বলেন নেদারল্যান্ডসের রানি ম্যাক্সিমা জেরিগুয়েতা সেরাতি। অন্তর্ভুক্তিমূলক অর্থনৈতিক কর্মসূচির উন্নয়নের লক্ষ্যে জাতিসংঘ মহাসচিবের বিশেষ দৃত হিসেবে তিনি দিনের সফরে গত ১৬ নভেম্বর সোমবার তিনি বাংলাদেশে আসেন। সূত্র-ইত্তেফাক (শেষ পৃ.ক.৬), প্রথম আলো (পৃ.১.২.ক.৪), যুগান্তর (শেষ পৃ.ক.২), নিউজ টুডে (পৃ.১.ক.৬), ডেইলি সান বিজনেস (পৃ.১.ক.২)।

৬। **হ্যরত শাহজালাল আন্তর্জাতিক বিমানবন্দরের নিরাপত্তা মানোন্নয়নে যুক্তরাষ্ট্রের সহযোগিতার আশ্বাস**
 হ্যরত শাহজালাল (রহ.) আন্তর্জাতিক বিমানবন্দরের নিরাপত্তা ও মানোন্নয়নে (ক্যাটাগরি-টু থেকে ক্যাটাগরি-ওয়ান) মার্কিন যুক্তরাষ্ট্র সহযোগিতার আশ্বাস দিয়েছে। বিমানবন্দরের মানোন্নয়নে লজিস্টিক সাপোর্ট, নিরাপত্তা সদস্যদের প্রশিক্ষণ ও দক্ষ জনবল তৈরিতে মার্কিন যুক্তরাষ্ট্রের সহযোগিতা চাইলে যুক্তরাষ্ট্র এ আশ্বাস দেয়। গতকাল ১৭ নভেম্বর মঙ্গলবার বেসামরিক বিমান ও পর্যটনমন্ত্রী রাশেদ খান মেননের সঙ্গে সাক্ষাৎকালে বাংলাদেশে নিযুক্ত মার্কিন রাষ্ট্রদুত মার্শাল স্টিফেল ব্লুম বার্নিকাট এসব কথা বলেন। সূত্র-যুগান্তর (শেষ পৃ.,ক.৪), প্রথম আলো (পৃ.২,ক.২), জনকর্ত্ত (পৃ.১,ক.১), নিউজ টুডে (পৃ.১,ক.১), ডেইলি সান (পৃ.১,ক.১)।

৭। **বিশ্বে অন্যতম নিরাপদ দেশ বাংলাদেশ : গ্যালাপের জরিপ**

বাংলাদেশ বিশ্বে অন্যতম এক নিরাপদ দেশ। যুক্তরাষ্ট্রের ওয়াশিংটনভিত্তিক জনমত জরিপ সংস্থা গ্যালাপ এর এক প্রতিবেদনে এ কথা বলা হয়েছে। প্রতিবেদনে দেখা যায়, ৮৯ পয়েন্ট নিয়ে সিঙ্গাপুর বিশ্বের সবচেয়ে নিরাপদ দেশ। প্রতিবেদনে বাংলাদেশ বিশ্বের নিরাপদ দেশ হিসাবে ৭৮ পয়েন্ট নিয়ে যুক্তরাষ্ট্র ও অস্ট্রেলিয়ার উপরে অবস্থান করছে। বাংলাদেশের পরের অবস্থানের এ দেশ দুটির পয়েন্ট হচ্ছে ৭৭। এক্ষেত্রে ৭৫ পয়েন্ট নিয়ে ফ্রান্সের অবস্থানও বাংলাদেশের নিচে। সূত্র-ইত্তেফাক (পৃ.১,ক.১), যুগান্তর (শেষ পৃ.,ক.৪), সংবাদ (পৃ.১,ক.৮)।

৮। **বাংলাদেশ-সৌদি আরব যৌথ কর্মশনের বৈঠক আজ**

বাংলাদেশ ও সৌদি আরবের মধ্যে ১১তম যৌথ কর্মশনের বৈঠক আজ ১৮ নভেম্বর বুধবার অর্থনৈতিক সম্পর্ক বিভাগের সম্মেলন কক্ষে অনুষ্ঠিত হবে। এ বৈঠকে সৌদি প্রতিনিধিদলের নেতৃত্ব দেবেন সৌদি শ্রম উপমন্ত্রী ড. আহমেদ বিন ফাহ্দ এবং বাংলাদেশের পক্ষে নেতৃত্ব দেবেন অর্থনৈতিক সম্পর্ক বিভাগের সিনিয়র সচিব মোহাম্মদ মেজবাহ উদ্দিন। গতকাল ১৭ নভেম্বর মঙ্গলবার পরবর্তী মন্ত্রণালয়ের এক প্রেস বিজ্ঞপ্তিতে এ তথ্য জানানো হয়। সূত্র-ভোরের কাগজ (শেষ পৃ.,ক.৫), সংবাদ (শেষ পৃ.,ক.৫), যুগান্তর (শেষ পৃ.,ক.১)।

৯। **সন্ত্রাস ও বিচ্ছিন্নতাবাদ ঠেকাতে বাংলাদেশ-ভারত ঐক্যত্ব : স্বরাষ্ট্র সচিব পর্যায়ের বৈঠক সমাপ্ত**

সন্ত্রাস ও বিচ্ছিন্নতাবাদ ঠেকাতে বাংলাদেশ ও ভারত ঐক্যত্বে পৌছেছে। পাশাপাশি সন্ত্রাস দমনে গোয়েন্দা তথ্য বিনিময়ে একমত হয়েছে উভয় দেশ। এ ছাড়া উভয় দেশের কারাগারে আটক বন্দি বিনিময় ত্বরান্বিত করার পদক্ষেপ গ্রহণেও একমত হয়েছে দু'পক্ষ। গতকাল ১৭ নভেম্বর মঙ্গলবার স্থানীয় একটি হোটেলে দু'দেশের সচিব পর্যায়ের শেষ দিনের বৈঠক শুরু হয় এবং তা বেলা সাড়ে ১১টা পর্যন্ত চলে। বৈঠকে সীমাত্তে হত্যা শূন্যের কোটায় নামিয়ে আনতে উভয় দেশ এক সঙ্গে কাজ করার আগ্রহ প্রকাশ করেছে। তবে এ ক্ষেত্রে উভয়দেশের সীমান্তবর্তী জনগণের মধ্যে আইন-কানুন সম্পর্কে ধারণা সৃষ্টিতে কাজ করা দরকার বলে উভয় দেশ মনে করে। সূত্র-ইত্তেফাক (পৃ.১,ক.১), প্রথম আলো (শেষ পৃ.,ক.১), যুগান্তর (পৃ.১,ক.৪), ডেইলি সান (পৃ.১,ক.৫), ইভিপেনডেন্ট (পৃ.১,ক.১)।

১০। **ফরিদপুরের চম্পা হত্যায় চার জনের ফাঁসি : চট্টগ্রাম ও গাজীপুরে ৫ জনের মৃত্যুদণ্ড**

শিশু, কিশোরী ও এক নারীকে হত্যার দায়ে নয় জনকে মৃত্যুদণ্ড দিয়েছে দেশের পৃথক তিনটি আদালত। এর মধ্যে ফরিদপুরে নবম শ্রেণির শিক্ষার্থী জাকিয়া সুলতানা চম্পাকে ধর্ষণের পর হত্যার দায়ে চারজনকে, চট্টগ্রামে শিশু ইয়াছিন আরাফাতকে অপহরণের পর হত্যার ঘটনায় চারজনকে এবং গাজীপুরে স্ত্রীকে হত্যার দায়ে স্বামীকে ফাঁসির দণ্ড দেওয়া হয়েছে। গতকাল ১৭ নভেম্বর মঙ্গলবার ঢাকার-৪ নম্বর দ্রুত বিচার ট্রাইব্যুনালের বিচারক আব্দুর রহমান সরদার তিনি বছর আগের আলোচিত চম্পা হত্যা মামলার রায় ঘোষণা করেন। সূত্র-ইত্তেফাক (পৃ.১,ক.৭), প্রথম আলো (শেষ পৃ.,ক.১), জনকর্ত্ত (পৃ.১,ক.২), ডেইলি স্টার (শেষ পৃ.,ক.৮), ডেইলি সান (পৃ.১,ক.১)।

১১। **প্রশ্ন ফাঁস ঠেকাতে প্রাথমিক সমাপনীতে এবার ৮ সেট প্রশ্ন**

প্রশ্ন ফাঁস ঠেকাতে ৬৪ জেলাকে ৮টি অঞ্চলে ভাগ করে ৮ সেট প্রশ্নে এবার প্রাথমিক ও ইবতেদায়ি শিক্ষা সমাপনী পরামর্শ অনুষ্ঠিত হবে। কোন জেলা কোন অঞ্চলে থাকবে প্রাথমিক শিক্ষা অধিদপ্তরের শীর্ষ কর্মকর্তারা ছাড়া আর কেউ তা জানতে পারবেন না। প্রাথমিক ও গণশিক্ষা মন্ত্রণালয়ের অতিরিক্ত সচিব জানেন্দ্র নাথ বিশ্বাস জানান, ৮ অঞ্চলের জন্য নির্ধারিত প্রশ্নপত্র তারা ইতোমধ্যে জেলায় জেলায় পাঠিয়ে দিয়েছেন। সূত্র-ভোরের কাগজ (পৃ.১,ক.১), সংবাদ (পৃ.১,ক.৪), যায়বায়দিন (পৃ.১,ক.৮), ডেইলি স্টার (পৃ.২,ক.৮)।

১২। **দেশে অসংক্রামক রোগে বছরে মারা যায় ৫ লক্ষাধিক মানুষ**

বাংলাদেশে বছরে ৮ লাখ ৩৫ হাজার মানুষের মৃত্যু হয়। তার মধ্যে ৬২ শতাংশই মারা যায় অসংক্রামক রোগে। সেই হিসাবে প্রতিবছর ৫ লাখেরও অধিক মানুষ উচ্চ রক্তচাপ, ডায়াবেটিস, কিডনি রোগ ও স্তুলতার প্রবণতাসহ বিভিন্ন অসংক্রামক রোগভোগে মারা যায়। গতকাল ১৭ নভেম্বর মঙ্গলবার মহাখালীস্থ ব্র্যাক সেন্টারে

অনুষ্ঠিত জাতীয় কর্মশালায় এমন তথ্য প্রকাশ করেন স্বাস্থ্য বিশেষজ্ঞরা। আর্ক ফাউন্ডেশন ও কমডিস-এইচএসডির সহযোগিতায় স্বাস্থ্য অধিদপ্তরের অসংক্রামক ব্যাধি নিয়ন্ত্রণ ইউনিট ‘স্বাস্থ্যসবোর বিভিন্ন স্তরে অসংক্রামক ব্যাধির নিয়ন্ত্রণ ব্যবস্থাকে শক্তিশালিকরণ ও পর্যবেক্ষণ’ শীর্ষক এ কর্মশালার আয়োজন করে। সুত্র-ইন্ডেফাক (পৃ.৩, ক.১), সমকাল (পৃ.৪ক.২), ইনকিলাব (পৃ.১২,ক.২)।

সম্পাদকীয়

- ক. প্রথম আলো, সমকাল, জনকর্ত, নিউজ টুডে : উন্নয়ন ফোরাম ২০১৫ উদ্বোধনকালে প্রধানমন্ত্রী শেখ হাসিনা যে অন্তর্ভুক্তিমূলক উন্নয়ন ও সমৃদ্ধ দেশ গঠনের কথা বলেছেন তা বাস্তবায়ন প্রক্রিয়া স্বচ্ছ, জবাবদিহিমূলক ও দুর্নীতিমুক্ত করতে হলে নাগরিক সমাজের মত প্রকাশের জায়গা রাখার ওপর গুরুত্বারোপ;
- খ. ইন্ডেফাক : সিডির আঘাত হানার পর আট বৎসর অতিবাহিত হয়ে গেলেও কার্যকরভাবে জলবায়ু পরিবর্তনজনিত কঠিন বাস্তবতা মোকাবিলা করার যথাযথ ব্যবস্থা গড়ে না তোলায় উদ্বেগ প্রকাশ;
- গ. জনকর্ত : সামাজিক গণযোগাযোগ মাধ্যম ফেসবুকের মাধ্যমে সাইবার অপরাধ বৃদ্ধি পাওয়ায় তা নিয়ন্ত্রণে বাংলাদেশে সার্ভার বসাতে সম্মতি দিয়েছে ফেসবুক কর্তৃপক্ষ উল্লেখ করে এতে অনেক অভিযোগের সমাধান হবে বলে আশা প্রকাশ;
- ঘ. সংবাদ : অভিন্ন নদীগুলোর পানি ব্যবস্থাপনার যৌথ অংশীদারিত্বের গুরুত্ব ভারতকে অনুধাবন করে বাংলাদেশ-ভারত অভিন্ন নদীর পানি ব্যবস্থাপনা ও সংরক্ষণ প্রশ্নে যেকোন সিদ্ধান্ত গ্রহণ প্রক্রিয়ায় বাংলাদেশকে যুক্ত করার সুপারিশ;
- ঙ. যুগান্তর : হ্যারত শাহজালাল (রহ.) আন্তর্জাতিক বিমানবন্দরসহ দেশের সবকটি আন্তর্জাতিক বিমানবন্দরের নিরাপত্তা পরিস্থিতি নিয়ে উদ্বেগ প্রকাশ করেছে ব্রিটিশ এভিয়েশন গোয়েন্দা দল উল্লেখ করে বিমানবন্দরের বিদ্যমান নিরাপত্তা ঝুঁকিগুলো দূর করার প্রয়োজনে দৃষ্টি দেওয়ার ওপর গুরুত্বারোপ;
- চ. ডেইলি স্টার : কিশোরগঞ্জের ইটনা উপজেলার প্রত্যন্ত অঞ্চলে ৩১ শয্যা হাসপাতালে পর্যাপ্ত যন্ত্রপাতি থাকা সত্ত্বেও টেকনিশিয়ানের অভাবে যন্ত্রগুলো ব্যবহৃত না হওয়ায় চিকিৎসাসেবা ব্যাহত হওয়ার প্রেক্ষিতে সরকারকে এ ব্যাপারে প্রয়োজনীয় পদক্ষেপ নেওয়ার সুপারিশ;
- ছ. ইন্ডিপেন্ডেন্ট : লালমনিরহাটে রেলওয়ের অধিকার্ক্ষ জায়গা স্থানীয় আওয়ামী লীগ ও বিএনপি'র দুই নেতার দখলে থাকার তথ্য উল্লেখ করে কর্তৃপক্ষকে দখলকৃত জমি উদ্ধারে দ্রুত কার্যকর ব্যবস্থা গ্রহণের আহ্বান;
- জ. ডেইলি সান : এসএসসি পরীক্ষার্থীদের কাছ থেকে অতিরিক্ত ফি আদায়ের ঘটনা তদন্ত করে দায়ী স্কুলের বিরুদ্ধে আইনি ব্যবস্থা গ্রহণের সুপারিশ;
- ঝ. ডেইলি অবজারভার : বাংলাদেশ ও ভারতের স্বরাষ্ট্র সচিব পর্যায়ের বৈঠকে সন্ত্রাস ও বিচ্ছিন্নতাবাদ ঠেকাতে দু'দেশের ঐকমত্যে পৌছানো, সন্ত্রাস দমনে গোয়েন্দা তথ্য বিনিয়োগসহ নানাবিধ বিষয় নিয়ে আলোচনা হওয়াকে স্বাগত জানিয়ে এ বিষয়গুলো নিয়ে দ্রুত কাজ করার আহ্বান;
- ঝ. নিউ নেশন : শিক্ষাখাতে বিনিয়োগ আরও বৃদ্ধির দ্বারা শিক্ষাখাতে উচ্চতর উৎপাদনশীলতা বাড়ানোর ওপর গুরুত্বারোপ করে সম্পাদকীয় প্রকাশ করেছে।

উপ-সম্পাদকীয়

যায়ব্যায়দিন পত্রিকায় প্রকাশিত কলামে সমাজের গণতান্ত্রিক বিকাশ এ মুহূর্তে বাংলাদেশে সমাজ-প্রগতির একমাত্র সোপান বলে উল্লেখ করা হয়েছে।

নিবন্ধ ও ফিচার

ইন্ডেফাক পত্রিকায় প্রকাশিত ‘ওদের বাঁচাতে হবে’ শিরোনামের নিবন্ধে মীর আব্দুল আলীম নতুন প্রজন্মের ছেলেমেয়েদের মাদকের ছোবল থেকে বাঁচাতে মাদকাসক্তি, পর্ণেঘাসি প্রতিরোধে সুচিপ্রতিষ্ঠিত ও সমন্বিত কর্মপদ্ধা গ্রহণ করা প্রয়োজন বলে অভিযন্ত প্রকাশ করেছেন।

#

ফারহানা/ফাহিমা/মরজিনা/সাইদা/বিপু/২০১৫/৯.০০ ঘট্ট